



SIUMUT

INATSISARTUNI ILAASORTAATITAT / LANDSTINGSGRUPPEN

25. januar 2011

13. august 2010

UPA 2011/20

UKA 2010/51

Inatsisartut suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara:

Kalaallit Nunanni aatsitassap piiarneqarsinnaatitaasup suulluunniit uran-imikakuata 0,1 %-mut qaffasinnerpaaffilerneqarnissaa piaarnerpaamik sulissutigeqquillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Siumup Inatsisartuni ilaasortai)

Tunngavilersuut:

Nunarput pisuussuterpassuaqarpoq. Pisuussuterpassuilli taakku pinngortitamik mingutsitsinermit kinguneqarsinnaanerat eqqumaffigiuannartariaqarparput. Taamaaliortariaqarpugut immap naqqani uuliasiorfinni mingutsisisinnaaneq eqqarsaatigalugu taamaaliortariaqarpugullu aqerlumik, cad-miummimik assigisaannillu pinngortitamik mingutsitsiinnaratik aamma inunnut peqqissutsikkut sunniutipilussinnaasunik toqunartunik akulinnik aatsitassarsiortoqartillugu.

Avatangiisit isumannaallisaanerlu eqqarsaatigalugit illersorneqarsinnaasumik aatsitassanik piiaaneq ingerlanneqartassasoq aatsitassanut inatsimmi aalajangersarneqarpoq. Aatsitassanut inatsit malillugu akuersissuteqartoqarsimatillugu ilaatigut isumannaallisaanermut avatangiisinullu tunngatillugu atugassarititaasussananik aalajangersaasoqartarpoq, tassunga ilaallutik aatsitassarsiornерup matuneranut atatillugu sumiiffit avatangiisit innarlitsaaliorneqarnerat isumannaallisaanerlu eqqarsaatigalugit illersorneqarsinnaasumik qimanneqartarnissaat qularnaarniarlugu suliffeqarfuiup iliuusissai.

Avatangiisit peqqinnissakkullu sunniutissat aatsitassarsiorneq pillugu inatsisitigut takuneqarsinnaasutut pingaartinneqartorujussuupput, tassani aalajangersagaqarmat Nunatsinni aatsitassanik sunilluunniit piiaanerit tamatigut avatangiisinik mingutsisisinnaaneq peqqinnissakkullu sunniutaasinnaasut sukumiilluinnartumik misissuiffigineqaqqaartassasut, aatitassanillu ujarlernissamut piiaasinnaanermullu tunniussisoqarsinnaaneranut aalajangiisuuusassasut.

Canadami uranisornermi misilittagarineqartut takutippaat teknologiimik nutaanerpaamik atuinikkut aammalu pitsaassusissat atuuttut pitsaanerpaat aammalu malittarisassat Internationale Atomenergi Agentur-imit Naalagaaffit Peqatigiit ataani inissisimasumit aalajangersarneqarsimasutut ittut maleqqissaaraanni, avatangiisinut isumannaallisaanermullu tunngatillugu nunat tamalaat akornanni akuersarneqarsinnaasumik pitsaassusilimmik angusaqartoqarsinnaasoq.

UPA 2011/20

UKA 2010/51

UPA 2010/31

UKA 2009/148

J.nr. 01.25.01/11FM-00020

Qupp. 1/2

Aatsitassanik ujarlernissamut piiaanissamullu akuersissutini tamani qinngorernik ulorianartunik akullit ilaatinneqartannginnissaat pillugu 1988-imi politikkikkut aalajangerneq atorunnaarsinneqartariaqalerpoq. Aatsitassanik sunilluunniit qinngorernik ulorianartunik annikitsuinnarmilluunniit aqoqalaartunik piaasoqarsinnaanera inerteqqutigunnaartariaqalerparput.

Isumaqpugut aatsitassarsiornissamut aqerutsissutinik tuniussisoqarsinnaasariaqartoq aatsitassamulluunniit uran akuulaartutut qaquinneqartussaagluarp – soorlu niubium-ip, tantanium-ip kiisalu nunami qaqtigoortumik nalaanneqartartut (sjældne jordar)-inik taaneqartartut – taakku annikitsuaranguamilluunniit uran-imik aqoqarnerat pissutigalugu ppiarneqarsinnaanerigaluannut immitsinnut nikeriarneq ajuleqqatinnerput unittariaqalerpoq.

Aatsitassat pineqartut pingaartumik Nunatta Kujataani nassaassaapput, aammali Nunatta ilaani allani aamma nassaassaallutik. Niubium aamma tantanium saviminissanik aqoorinermi atorneqartarput manngersaataallutik nukitorsaataallutillu kiisalu elektronikimik atortorissaarutinik nioqquqtiisiornermi – soorlu mobiltelefuuniliornermi, nunamilu qaqtigoortumik nalaanneqartartut (sjældne jordart)-inik taaneqartartut taamatuttaaq elektronikimik atortorissaarusiiornermi atorneqartarlutik. Assersuutigalugu tasersuup Tatsip Kassullip eqqaani naqqanilu aatsitassanik taaneqartunik peqartoq ilisimaneqaraluarpoq 0,006%-tiinnarmik uranimik aqoqalaartunik, Narsallu eqqaani nunami qaqtigoortumik nalaanneqartartunik (sjældne jordart)-inik nunarsuatsinni piffinni ataasiakkaaginnarni allani pigineqartunik peqartoq ilisimaneqaraluarpoq. Taakkuli tamarmik ulloq manna tikillugu ppiarneqarsinnaanngillat, qanorluunniit annikitsigaluartumik uranimik aqoqalaarsinnaasarnerat pissutigalugu.

Uransiussangnilagut aap. Kisiami aatsitassarsiussaagut Nunarput kusanartoq mianeralugu inuilu peqqissutsikkut akornusernaveersaaruinnarlugit.

Taamaattumik maanna piffissanngoropoq erseqqissumik oqaatigissallugu aatsitassanik allanik piaasoqassatillugu ppiarneqarsinnaatitaasut taakku uranimik qinngorernillu ulorianartunik qanoq aqoqartigisinnaanerata qummut killissaata aalajangiiffiginissaanut.

Aatsitassat assigisaasalu qinngorernik ulorianartunik aqoqalaarsinnaanerata killilerneratigut aningaasarsiorfissat suliffissallu amerlasuut ammaanneqassapput, inuit peqqinnissatsinnut Nunattalu minguitsunissaanik piumasaqarnitsinnik innarliinngilluinnarluta.

Nunatta pisuussutai iluaqtigissavavut, immitsinnut akornusernata. Ilumoorsinnaanngilarmi Nunatta pisuussutai ersigiinnarlugit immitsinnut ineriertortittaaliussagutta. Misissuinerit pisariaqartinneqartut tamarmik ingerlanneqaqqaartariaqarput aatsitassat uranimik aqoqalaaminertut ppiarneqarnissaannut akuersissutinik tunniussuisoqalersinnagu.

Tunngaviusumik isummerneq taamaattoq aalajangiussinnaagutsigu aatsitassarsiortfit arlallit pingaartumik Kujataani ukiuni tulliuttuni ammarneqarsinnaalernissaat aqqutissiuutissavarput, tamatumunngali peqatigitillugu illersussallutigu qinngorernik ulorianartunik akullit akuata qummut killilerneqarnissa.

Killissarititaasup 0,1%-imut aalajangiunneqarnissaanik siunnersuuteqarnitsinnut pissutigaarput EU-p iluani taamatut killiliisoqarsimammatt, Nunattalu EU-mik suleqateqarnera niueqateqarneralu tamatumuunakkutaaq najoqqutarineqarsinnaaqquillugu.